

文淵樓叢書

選學膠言

第三冊

選學膠言目錄

卷三

由余惺繆公

章華臺

宮鄰金虎

推當作推

項嬰句倒

西匠

旬始

德陽

螭

李注誤薛

謬門

九龍殿

半漢

菱菱

璫

闕戟

五營

嘈囂

饕餮

協韻

非熊非羆

巫覡

偃子

剛瘳

方良卽罔兩

畢方

鬼畏桃

游豫分屬春秋

倒句叶韻

豫且

怵惕當作惕戒

車中內顧無不字

裁字不必叶

帝魁

鄭交甫事

陬子于切

杻卽櫪

菰譌蒲

注引本人文

薤

蟠

芍藥

菁

舞態歌聲

舊宅

南音

刺音粹

帝亂其政

鼎足

桑梓作鄉里用

選學膠言卷三

錢唐張雲敷仲雅述

賦

由余悝繆公

東京

由余以西戎孤臣而悝繆公於宮室李注引史記曰
由余本晉人亡入西戎相戎王使來聘秦觀秦之強
弱繆公示以宮室引之登三休之臺由余曰臣國土
階三尺茅茨不翦寡君猶謂作之者勞居之者淫此
臺若鬼爲之則神勞矣使人爲之則人亦勞矣於是
繆公大慙今考史記秦本紀言戎王使由余于秦由

余其先晉人也亡入戎能晉言聞繆公賢故使由余
觀秦秦繆公示以宮室積聚由余曰使鬼爲之則勞
神矣使人爲之亦苦民矣繆公怪之云云視李所引
詳略迥異不知李氏據何本抑意爲增減耶金宗伯
以爲別有出處雲璈又按後賦云猶謂爲之者勞居
之者逸李引賈子曰翟王使使者之楚楚王饗客于
章華之臺楚王曰翟亦有臺乎使者曰翟王茅茨不
翦采椽不斲猶以作者太勞居者太逸也見新書卷
七與前注略同蓋李氏牽合諸書而誤爲史記耳

章華臺

渚宮舊事靈王作傾宮三年未息而爲章華之臺翟
人來朝王誇之與客登章華之臺三休乃至太平寰
宇記章華臺在江陵東三十三里臺形三角名勝志
云楚離宮也又謂之豫章臺水經注江水又東得豫
章之口是也沈括筆談辨證門云天下地名錯亂乖
謬率難攷信如楚章華臺亳州城父縣陳州商水縣
荊州江陵長林監利皆有之乾谿亦有數處據左傳
楚靈王七年成章華之臺與諸侯落之杜注章華臺
在華容城中華容卽今之監利非岳州之華容也至
今有章華故臺在縣郭中與杜氏之說相符亳州城

父縣有乾谿其側亦有章華臺故臺基下往往得人骨云楚靈王戰死於此商水縣章華之側亦有乾谿薛綜注東京賦引左氏傳乃云楚子成章華之臺於乾谿皆誤說也左傳實無此文章華與乾谿原非一處楚靈王十二年王狩于州來使蕩侯潘子司馬督囂尹午陵尹喜帥師圍徐以懼吳王次于乾谿靈王八年許遷于夷乃此地十二年公子比爲亂使觀從從師于乾谿王衆潰靈王亡不知所在平王卽位殺囚衣之王服而流諸漢乃取葬之以靖國人而訃以乾谿靈王實縊于芋尹申亥氏它年申亥以王柩告

乃改葬之而非死于乾谿也昭王二十七年吳伐陳王帥師救陳次于城父將戰王卒于城父而春秋又云弑其君于乾谿則後世謂靈王實死于是理不足怪也

宮鄰金虎

始於宮鄰卒於金虎李注引應劭漢官儀曰不制之臣相與比周比周者宮鄰金虎宮鄰金虎言小人在位比周相進與君爲鄰貪求之德堅若金讒謗之言惡若虎也葉樹藩云石氏星經昴者西方白虎之宿太白者金之精太白入昴金虎相薄主有兵亂用脩

楊氏謂李善不知引星經而謬自爲說如楊氏解則金虎當指戰國合上宮鄰之指褒氏始卒纔見確實而下文嬴氏搏翼云云脈絡亦貫善於陸士衡答賈長淵詩中金虎習質句曾引星經此何以獨援應劭之說耶至王融曲水詩序宮鄰昭泰善注仍贅應說於義更屬未安

案此則當在章華臺則前

推當作椎

所推必亡所存必固薛注言高祖所椎擊者使之亡據注意則賦中推當爲椎

項嬰句倒

埽項軍於垓下繼子嬰於軹塗按二句使事顛倒若
乙轉則下字正可與上固字下庫字爲韻陸德明謂
毛詩一十有七下皆當讀如戶

西匠

是以西匠營宮目翫阿房薛注西匠秦之舊匠也雲
璈按漢書高惠高后文功臣表梧齊侯下云以軍匠
從後張景陽七命云營匠斲其樸而李注以爲未詳
當是用此蓋謂經營之匠也

旬始

方氏通雅云格澤音鶴鐸音鶴旬始皆妖氣也相如大人賦

建格澤之修竿張揖曰格澤氣如火狀黃白色起地
至天下大上銳天文志曰旬始出入斗旁如雄雞其
怒青黑色象伏鼈李奇曰怒當作帑晉灼曰帑雌也
或曰怒則色青宋均云怒則芒角刺出河圖稽耀鉤
曰填星散爲旬始王招橫春秋合誠圖曰旬始主兵
爭春秋考異郵曰旬始照其下必有滅主楚辭造旬
始而觀清都注者又謂之皇天名東京賦欂櫨旬始
羣凶靡餘明以爲妖星妖氣而召茲羣慝也張伯起
乃謂欂櫨見浹旬始退卓徵甫注藻林又以旬始爲
皇天之居此又譌矣近術家之云旬始者乃謂一旬

之首見也

德陽

乃新崇德遂作德陽按東觀漢記明帝欲起北宮尙書僕射鍾離意上書諫出爲魯相後起德陽殿殿成百官大會上謂公卿曰鍾離尙書若在不得成此殿

螭

淵游龜螭野客叢書云螭郭璞謂靈螭能鳴尔雅靈龜注

則此龜屬能鳴者也而爾雅新舊本皆引呂忱字林云大龜以睪不知似睪乃以胃二字傳寫誤加偏傍耳考工記梓人刻畫祭器狀諸蟲有以胷鳴者有以

胃鳴者蟪蓋胃鳴之蟲雲璣按字林云云今爾雅本
無之

案今釋文引之不
得謂爾雅新舊本

李注誤薛

鷦鷯秋棲鷽鷽春鳴下注爾雅曰云云睢鳩麗黃關
關嚶鳴下注爾雅云云胡中丞校本云兩節注爾雅
上皆當有善曰二字此何校最是袁茶本皆誤以爲
薛注善引書有薛所不及見如爾雅郭注之類較然
易辨雲璣按如下聘上園之耿潔旅束帛之芟芟注
引周易賁于上園束帛芟芟王肅曰失位無應隱處
上園云云綜以赤鳥六年卒安得見王肅易注而引

用之亦脫去善曰二字誤以爲薛注與此同耳下蒸
蒸之心注引廣雅亦然

謬門

謬門曲榭按字訓謬別也沈存中謂別門故以對曲

榭無定處也又同謬說文周景王作洛陽謬臺

卽漢書所

謂周有逃責之臺

爾雅釋宮連謂之窻注堂樓閣邊小屋然

則謬者卽爾雅之窻乎小屋連於大屋其體正別與
字訓合薛注謂冰室門者似泥

九龍殿

九龍之內實曰嘉德薛注九龍本周時殿名雲璈按

歐公集古錄跋漢袁良碑帝御九龍殿引對宴飲謂
九龍之名始於此是未睹此注者也詳見困學紀聞
卷十

半漢

龍雀蟠蜿天馬半漢薛注龍雀飛廉也天馬銅馬也
蟠蜿半漢皆形容也半漢二字殊不可曉據注形容
之語蓋言天馬之高其勢似可半霄漢耳方氏通雅
謂半漢當讀盤桓按漢字與上示遠之觀下燦爛炳
煥韻正相叶似不當讀平聲且未詳所據不可從

𡵚𡵚

聘丘園之耿潔旅束帛之茝茝薛注茝茝委積之貌
雲璈按王輔嗣注賁之六五云爲飾之主飾之盛者
而孔穎達亦謂茝茝衆多也是古皆以茝茝爲多今
則訓爲少矣

璠

璠駑重旃李注說文云璠車蘭間皮篋以安其駑也
徐廣車服志曰輕車置駑於軾上載以屬車然置駑
于璠曰璠駑雲璈按璠與服篋同周禮夏官仲秋獻
矢箠詩小雅象弭魚服國語麋弧箕服皆是然今說
文珣部璠字注云車笭間皮篋古者使奉玉以藏之